

Boletin informativo

Di kuater kuartal 2018

Bonbiní! Esaki ta e di dos boletin informativo di PCN pa bo den 2018. Den e boletin informativo akí nos ta pone bo na altura di e último notisia tokante penshun. Nos ta deseá bo hopi plaser ku e lesamentu.

Palabra di presidente

2019 ta pinta prometededor

E aña benidero ta pinta prometededor pa PCN. Den 2019 nos por hisa e penshunnan di nos partisipante- i penshonadonan, e prima di penshun ta keda igual i nos ta trese ehekushon di penshun Boneiru: na e momentunan aki nos ta trahando duru riba tumamentu di kolaboradónan nobo den servisio pa tuma over e ehekushon di penshun for di AGH. Di e forma akí nos komo PCN mes tin tur kos den kas mas aweró pa sirbi bo mas mihó posibel. Tambe nos ta kontentu ku nos por presentá Age Bakker na bo komo presidente nobo di e Kolegio di Supervishon. Ademas a bolbe nombra Gerard Bergsma pa kuater aña komo spesialisista riba tereno di atministrashon di kapital i maneho di riesgo.



Bo tin pregunta ainda relashoná ku e boletin informativo akí? Laga nos sa esei. Riba e parti patras di e boletin informativo akí bo por lesa kon bo por alkansá nos. Bishitá nos un biaha tambe riba Facebook! Gustosamente nos kier tende di bo.

Harald Linkels, *Presidente*

PCN ta indeksá e penshunnan ku 2%

Pensioenfonds Caribisch Nederland (PCN) ta indeksá e penshunnan ku 2% entrante 1 di yanüari 2019. E indeksashon akí ta kontu tantu pa e trahadónan ku ainda ta akumulando penshon, komo pa personanan ku ya ta risibí penshun. Ta oumentá tambe e penshunnan di trahadónan ku den pasado tabata partisipante di PCN ku 2%.

E prima di penshun ta keda igual

E penshunnan ta subi pues den 2019 miéntras ku e prima di penshun mes ta keda igual. Esei pues ta bon notisia pa bo pòtmòni. E último añanan e prima a subi pa tene e reservanan finansiero na nivel. Danki Dios mas oumento di e prima no ta na diskushon na e momentunan akí.

Nos ta mihó pará

PCN por oumentá e penshunnan, pasobra kompará ku un aña pasá nos ta mucha

mas mihó pará finansieramente. Nos fondo di penshun a konosé un rekuperashon konsiderabel. Esaki ta danki na sinku faktor:

1. E kòrtamentu ku a ehekutá na 2017 den e derechinan
2. Un rendimentu konsiderabel riba e kapital den 2017 i 2018
3. Un refuerso di e kapital ku mas di 31 mion dòler di parti di estado hulandes
4. E echo ku PCN ya algun tempu pasá a stipulá e primanan riba e máximo
5. E desaroyo faborabel di e interes ku kua nos mester balorá e obligashonnan di e fondo

Tokante e grado di kobertura

Ku un grado di kobertura di 111% (fin di òktober 2018) nos ta surpasá muchu mas e grado di kobertura di 100% ku ta rekerí minimal. Tòg ainda nos tin di aber ku un

défisit di reserva. Segun e eksigensianan di e Kuadro di Supervishon Finansiero BES (Financieel Toezichtskader BES) PCN mester disponé di un grado di kobertura di alrededor di 117%. Ora un grado di kobertura ta 117% òf mas por papia di sufisiente reserva, riba e grado di reserva ku ta rekerí minimal. Esaki ta nifiká ku for di e momentu ei nos komo fondo por bai over na indeksashon komplotu pa kostonan di bida ku a subi. Ainda no ta asina leu, pero otro aña ya kaba pues nos por oumentá e penshunnan parsialmente.

Desishon anual

Direktiva di PCN ta disidí anualmente si indeksashon ta posibel òf nò. Al respekto nos ta tene kuenta tur ora ku e situashon finansiero di e fondo i ta wak si e desishon ta kuadra tambe ku e maneho di indeksashon ku direktiva a stipulá.

PCN mes ta bai ehekutá e areglo di penshun

Entrante 1 di yanüari 2019 PCN mes ta atendé ku e atministrashon di penshun. E paso akí ta nesesario pa den futuro tambe por keda garantisá bo kualitativamente un bon kalidat di servisio. Esei ta nifiká ku ta pone un fin na e kooperashon ku AGH na Hulanda.

Ofisina na Boneiru

Ta bai alohá e organisashon di ehekushon nobo di PCN na Boneiru. Por lo pronto ta duna nan un lugá den nos aktual ofisina. Asina e edifisio na banda keda rekonstruí lo alohá atministrashon ei den.

Kuponan di trabou nobo

E organisashon di ehekushon nobo ta ofresé empleo nobo na Hulanda Karibense. Nos ta papiando di shete funshon pa e atministrashon di partisipantenan, pagonan di penshun i atministrashon finansiero i reportahe. Pa buska trahadó nos a saka aviso e último simannan. Pues posiblemente ya bo a topa ku e vakaturanan den korant. Via nos página di Facebook nos ta mantené bo informá tokante e organisashon di ehekushon nobo.



PCN OFISINANAN

Bonaire office

Kaya Carlos C.M. Piar 5, Kralendijk, Bonaire

T 599 717 0984

E info@pensioenfondscn.com

Statia office

Mazinga Square, Oranjestad, Sint Eustatius

T 599 318 3218

E Statia-office@pensioenfondscn.com

Saba

T 599 416 6860

E Saba-office@pensioenfondscn.com

Online

F facebook.com/PensioenfondsCN

I www.pensioenfondscn.com

Nombramentu di nobo di miembro di direktiva



GERARD BERGSMAN

De Nederlandse Bank (DNB) a aprobá ofishal nombramentu di nobo di señor Gerard Bergsma. Señor Bergsma ta keda e kuater añanan benidero aktivo komo spesialisista di atministrashon di kapital i maneho di riesgo te 22 di òktober 2022. Gerard den e direktiva ta un di e delegadonan na nòmber di sindikatonan uní. Nos ta kontentu ku e kier sigui traha e periodo benidero pa e interesnan di nos (èks) partisipantenan.

BISHITÁ NOS RIBA FACEBOOK

Bo tabata sa ku nos komo fondo tin su propio página di Facebook tambe? Bo ta haña nos via

facebook.com/PensioenfondsCN/.

Aki por ehèmpel sèmper bo ta haña e último notisianan finansiero tokante nos grado di kobertura. Pero nos ta duna bo tambe tepnan útil tokante e penshun i ta konta bo kiko nos ta bezig kuné.

Presidente nobo di Hunta di Supervishon

A nombra Profesor dr. Age Bakker komo presidente di e Hunta di Supervishon. Señor Bakker ta sigui señora A. Bijleveld-Schouten, ku a baha komo presidente di PCN despues ku a nombré Minister di Defensa di Hulanda.

Age ta aportá ku un eksperiensia gubernamental, polítiko i sientífiko amplio i di hopi aña i konosé Hulanda Karibense bon pa motibu di su papel anterior komo

presidente di e Kolegio supervishon finansiero Boneiru, Sint Eustatius i Saba. Banda di esei e tin hopi eksperiensia denter di e sektor di penshun komo dirigente di Pensioenfonds Zorg en Welzijn i komo presidente di e Komishon ku ta duna konseho pa invershon di Fondo di penshun di Horeca i Catering na Hulanda.



AGE BAKKER